

## Starfsemi Siðfræðistofnunar árið 2008

### *Stjórn og starfslið*

Stjórn Siðfræðistofnunar var óbreytt frá fyrra ári en í henni eiga sæti: Vilhjálmur Árnason, prófessor, tilnefndur af heimspekiskor, formaður stjórnar, Sólveig Anna Bóasdóttir, lektor, tilnefnd af guðfræðideild, Sr. Irma Sjöfn Óskarsdóttir, tilnefnd af kirkjuráði þjóðkirkjunnar, Ástríður Stefánsdóttir, dósent, tilnefnd af Kennaraháskóla Íslands og Haraldur Briem, dósent við læknadeild, skipaður af Háskólaráði án tilnefningar. Forstöðumaður í fullu starfi er Salvör Nordal.

### *Rannsóknir*

#### Rannsóknir í lífsiðfræði.

Unnið var áfram að verkefninu *Notkun gagnagrunna á heilbrigðissviði: Siðferðileg álitamál*, og meðal annars haldinn umræðufundur um vísindarannsóknir þann 29. ágúst milli kl. 09:00 og 16:00 með þátttöku helstu hagsmunaaðila á þessu sviði. Þar voru meðal annars kynntar niðurstöður úr rannsóknaverkefninu og rætt um hvernig búið er að þessum rannsóknum hér á landi. Í framhaldinu var Siðfræðistofnun falið að skipa fulltrúa í starfshóp Heilbrigðisráðuneytisins sem ætlað er að endurskoða lög um vísindarannsóknir hér á landi. Þá var stofnuninni einnig falið að tilnefna í Vísindasiðanefnd eftir að ný reglugerð um vísindarannsóknir á heilbrigðissviði var sett í mars.

Send var inn umsóknir í 7. rammaáætlun Evrópusambandsins um Neytendaerfðafræði. Námskeið var haldið í Tartu á Eistlandi í ágúst í tengslum við árlega ráðstefnu ESPHM. Námskeiðið var styrkt af Nordforsk, og haldið í samstarfi við háskóla í Eistlandi, Finnlandi, Svíþjóð og Noregi fyrir meistara- og doktorsnema í lífsiðfræði.

Siðfræðistofnun tekið þátt í margvíslegum erlendum fundum og samstarfsverkefnum. Forstöðumaður er í ráðgjafahópi í rannsóknaverkefninu HEPADIP (Hepatic and Adipose Tissue and Functions in the Metabolic Syndrome) og þátttakandi í verkefninu PRIVILEGED (Privacy in law, ethics and genetic data) og sótti fundi á vegum verkefnisins í Sheffield á Englandi í janúar og Coimbra, Portúgal, í nóvember. Stjórnarformaður situr í stjórn Nordisk bioetisk komité og var formaður nefndarinnar 2007. Hann sótti fjölmarga fundi og málþing á hennar vegum á árinu. Vilhjálmur situr einnig í stjórn European Society for Philosophy of Medicine and Health Care og sótti ársþing félagsins í Tartu. Bæði forstöðumaður og stjórnarformaður fluttu erindi á ársþinginu. Formanni stjórnar var boðið að flytja fyrirlestur um alþjóðlegu málþingi um Progress on Personalising Medicines. University of Warwick, 25. september 2008. Hann sótti einnig alþjóðlegu ráðstefnuna Translating ELSI. Global perspectives on Bioethics. Cleveland 1.–3. maí 2008 og flutti þar erindi. Vilhjálmur situr í ritnefndum tímaritanna *Medicine, Health Care and Philosophy*. A European Journal. Kluwer Academic Publishers frá 2000, *Genomics and Society*. Online journal frá 2005 og *Etikk i Praksis*. Nordisk tidskrift frá 2007.

### Önnur rannsóknarverkefni:

*Gildismat og velferð barna í neytlusamfélagi nútímans* sem fékk styrk úr Kristnihátíðarsjóði 2005 hefur haldið áfram sem samstarfsnet enda hópurinn sem að honum stendur áhugasamur um frekara samstarf. Haldið var málþing í 4. janúar í Norræna húsinu um ábyrgð foreldra. Þar töluðu þeir, Vilhjálmur Árnason, prófessor, Baldur Kristjánsson, dósent, Bragi Guðbrandsson, forstjóri Barnaverndarstofu. Þátttakendur í pallborðsumræðum voru þau Margrét María Sigurðardóttir, umboðsmaður barnam Sigrún Aðalbjarnardóttir, prófessor og Séra Sigurður Pálsson, fyrrv. Sóknarprestur. Fundarstjóri var Salvör Nordal.

### *Þjónusta*

Siðfræðistofnun veitti sem fyrr umsagnir um ýmis lagafrumvörp og skýrslur á árinu og veitti fagfélögum, fyrirtækjum og stofnunum ýmis konar ráðgjöf. Þá hefur Siðfræðistofnun skipulagt námskeið og komið að kennslu í einstökum námskeiðum hjá Endurmenntun HÍ.

### *Afmælisfyrirlestrar Siðfræðistofnunar*

Í tilefni þess að á haustmisseri 2008 hóf Siðfræðistofnun sitt 20. starfsár var hleypt af stokkunum fyrirlestraröð undir yfirskriftinni *Siðfræði og samfélag*. Fyrirlestrarnir eru mánaðarlega, haldnir kl. 15:15 á föstudögum í Þjóðarbókhöðunni, og áætlað að þeim ljúki í desember 2009 með útgáfu bókar. Ellefu íslenskir heimspekingar taka þátt í fyrirlestrarröðinni þau: Kristján Kristjánsson, Stefán Hjörleifsson, Ástríður Stefánsdóttir, Vilhjálmur Árnason, Geir Sigurðsson, Salvör Nordal, Sigurður Kristinsson, Sigríður Þorgeirsdóttir, Jón Ólafsson, Jón Kalmannsson og Páll Skúlason, en sá síðastnefndi hóf fyrirlestrarröðina 5. september.